

Хар газрт хөд үвлзүүлгэнд белдвирг чанъгъах кергтэ

Хар газрин теегт хөд үвлзүүлгэнд белдвирин көдлмш элст балгсна колхозмудар ода чигн ик тату йовна. Кошармуд, хөбчир баях гермуд яслгын Ленинэ болн Сталинэ нертэ колхозмудар ик хашнгар кегддженэ. Сентябрь сарин 15 күртл эдн үвлд белдвирин көдлмшиннь зуг 50 процентинь күцав.

Балгсна цуг колхозмудар тосхгдх шин дулан хашас эклддж кегдэд уга. Ленинэ нертэ колхоз болхла шин кошармуд болн хөбчирин шин гермуд тосхлгян бас эс эклдж.

„Победа“, „Страна Советов“ болн Ленинэ нертэ колхозмудар хөбчирин бригадс амтар, зэрмнь көлгн-күчэр болн элвг хот-хоолар бүклдэн теткддж бурддэд уга.

Теегт овалсн малин хот-хоолиг хардж хэлэлгын ик му, колхозмудин правлень эн төрт төрүц онгян огчэхш. Тиигдж Ленинэ болн Сталинэ нертэ колхозмудин кесг скирд өвснэ

овас му тэвгддж, зэрм овасин деерк хувнь салкнд ундж оч, зэрмнь малар илгдэд, эвдгдэд, теднь ода чигн ясглад уга. „Победа“ болн Ленинэ нертэ колхозмудар хошагьад миньгын гектар газрин аггуд овалгдэд уга өвсн баянэ. Малин үвлзныгүр өвс зөблгын чигн ик сул йовна.

Эн деер келгдсн татусиг КПСС-н балгсна комитетин бюро болн балгсна күцагч комитет эврәннь шидр болсн шиидврт темдгддж, Хар газрин теегт мал үвлзүүлгэнэ белдвирг Хальмг АССР-н Деел Советин сунгьгвирин өдр күртл бүклднь дуустха гидж колхозмудин ахлачнрт болн эклц парторганизацин сеглэгрмудт заав.

Хөд саянэр хэлэлж асрдж, үвлин туршарт таргын, цадхлнь бэрдж, нег чигн гару уга өсклгэнэ көдлмш хөбчирин бригадин ээм деер ирнэ. Хөбчир унн седклэн тэвдж, хоорндан ни-ницигьгү көдлцэхлэ олна малин өсдж-өргджлгын

чигн сэн болдж, улм одн болдж икдхмн, чинэн чидлнь сэн болхмн, тер төлэд 1958 джилэ ноябрь сарин нег шинэ авн 1959 джилэ апрель сарин нег шин күртл көдлсн хөбчирин бригадст, зоотехникүдт, хөбнэ фермин заведующд, бригадирмудт болн малин эмчнрт күч-көдлсинь йирин цагинэс 20 процент өддэн өгдгэр кетн гидж КПСС-н балгсна комитетин бюро болн балгсна күцагч комитет колхозмудин правленьсд сүв селвгэн өгв.

Малин үвлзүүлг болн туунэ белдвирг үзмджтэгьэр күцагд социалистическ дөрлдэ өргэр делггүрдж, КПСС-н XXI-ч хургиг болн Хальмг АССР-н Деел Советин сунгьгвирин өдриг ик дивлвртэгьэр тосхин төлэ цуг малчир, хөбчир, селэнэ эдл-ахун специалистнр шундж көдлцэхэн гидж, КПСС-н балгсна комитетин бюро балгсна күцагч комитет дуудв.

И. ИЛЬМАС.